

სახელმწიფო შესყიდვების შესახებ ხელშეკრულება
№ 425

ქ. თბილისი

11 დეკემბერი 2015 წელი

ერთი მხრივ, სსიპ ღვინის ეროვნული სააგენტო (შემდგომში - „შემსყიდველი“) წარმოდგენილი თავმჯდომარის მოადგილის პაატა ჭავჭავაძის სახით და მეორე მხრივ, სს „გუდვილი“ (შემდგომში „მიმწოდებელი“) წარმოდგენილი გენერალური დირექტორის გიორგი ხაბაშვილის (პ/ნ: 01024027875) სახით, „სახელმწიფო შესყიდვების შესახებ“ საქართველოს კანონისა (მე-3 მუხლის პირველი პუნქტის ს¹ ქვეპუნქტი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე, ვდებთ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე სხვა დოკუმენტაციით, რომლებზეც ხელშეკრულებაში არის მინიშნებები;

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული შესრულებისათვის;

1.3 „დღე“, „კვირა“, „თვე“ - კალენდარული დღე, კვირა, თვე;

1.4 „შემსყიდველი“ - ორგანიზაცია, რომელიც ახორციელებს შესყიდვას;

1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში;

1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

სახელმწიფო ბიუჯეტის სახსრებით (მეღვინეობა-მევენახეობის განვითარების პროგრამის მართვა და ადმინისტრირება), სადგეუსტაციო კომისიის მოქმედი დეგუსტატორების გადამზადების (39 ადამიანი) მიზნით დანართი №1-ით გათვალისწინებული ღვინოების შესყიდვა (კლასიფიკატორის CPV-15931200 კოდი) გამარტივებული შესყიდვის საშუალებით. დანართი №1 თან ახლავს ხელშეკრულებას და წარმოადგენს მის განუყოფელ ნაწილს.

3. მომსახურების გაწევის ვადები და ადგილი

3.1 საქონლის მიწოდების ვადები: არაუგვიანეს 2015 წლის 11 დეკემბრის 13:00 საათისა.

3.2 საქონლის მიწოდების ადგილი: ქ. თბილისი, დიდი დიღომი, ფარნავაზ მეფის №1.

4. ხელშეკრულების ღირებულება

4.1 ხელშეკრულების საერთო ღირებულება შეადგენს: 1046,20 (ათას ორმოცდაექვსი ლარი და 20 თეთრი) ლარს.

4.2 ერთეული ღვინის ბოთლის ფასები მოცემულია დანართი №1-ში.

4.3 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს;

5. მხარეთა ვალდებულებები

5.1. მიმწოდებელი ვალდებულია:

- ა) უზრუნველყოს შემსყიდველისათვის დანართი №1-ით გათვალისწინებული საქონლის მიწოდება;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- გ) შეასრულოს ამ ხელშეკრულებით მასზე დაკისრებული სხვა ვალდებულებები.

5.2 შემსყიდველი ვალდებულია უზრუნველყოს ამ ხელშეკრულებით მასზე დაკისრებული ვალდებულებების შესრულება.

5.3 მიმწოდებელს უფლება აქვს მოითხოვოს შემსყიდველისაგან ფაქტობრივად მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

5.4 შემსყიდველს უფლება აქვს მოითხოვოს მიმწოდებლისაგან ნაკისრი ვალდებულებების დროული, ხარისხიანი და ჯეროვანი შესრულება.

6. ხარისხი

მიწოდებული საქონლის ხარისხი უნდა შეესაბამებოდეს არსებულ სტანდარტებს.

7. ხელშეკრულების შესრულების კონტროლი

7.1 შემსყიდველი უფლება აქვს, მომსახურების გაწევის ნებისმიერ ეტაპზე, განახორციელოს ამ ხელშეკრულების შესრულების კონტროლი. ასეთ შემთხვევაში, კონტროლს განახორციელებს სსიპ ღვინის ეროვნული სააგენტოს უფლებამოსილი პირ(ებ)ი.

7.2 შემსყიდველის შესაბამისი წარმომადგენლის (წარმომადგენლები, საჭიროების შემთხვევაში ასევე მოწვეული ექსპერტი) მიერ არასათანადო მომსახურების აღმოჩენის შემთხვევაში, მიმწოდებელი ვალდებულია შეტყობინების მიღებიდან დაუყოვნებლივ გამოასწოროს წუნი. იმ შემთხვევაში თუ არასათანადო მომსახურების (წუნის) გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, მიმწოდებელი ვალდებულია შემსყიდველს დაუბრუნოს აღნიშნული არასათანადო (წუნდებული) მომსახურების ღირებულება;

7.3 ამ მუხლის 7.2 პუნქტით გათვალისწინებული არასათანადო მომსახურების გამოსწორება უნდა განხორციელდეს ამ ხელშეკრულების ვადის გასვლამდე.

7.4 საქონლის მიღება-ჩაბარებაზე შემსყიდველი უფლებამოსილებას ანიჭებს სააგენტოს ადმინისტრაციული დეპარტამენტის მთავარ სპეციალისტს ლევან ბეგიაშვილს (პ/ნ: 01026001767).

8. საქონლის მიღება-ჩაბარების წესი

საქონლის მიღება ხორციელდება მიღება-ჩაბარების აქტით. მიღება-ჩაბარების აქტი ფორმდება წერილობითი ფორმით და დასტურდება მხარეთა უფლებამოსილი წარმომადგენლების ხელმოწერით.

9. ანგარიშსწორება

9.1 ანგარიშსწორება ხორციელდება შემდეგი პირობებით:

- ა) ანგარიშსწორების ვალუტა – ლარი;
- ბ) ანგარიშსწორების ფორმა – უნაღდო ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი იღებს ვალდებულებას გადაუხადოს მიმწოდებელს ფაქტიურად მიწოდებული საქონლის ღირებულება შესაბამისი მიღება-ჩაბარების აქტის გაფორმებიდან 20 (ოცი) სამუშაო დღის ვადაში.

9.3 თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

10. ხელშეკრულების შესრულების შეფერხება

თუ ხელშეკრულების შესრულებისას მხარეებს წარმოეშობათ რაიმე ხელშემშლელი გარემოებები, რაც აფერხებს ხელშეკრულების პირობების შესრულებას, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შემაფერხებელი ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ გონივრულ (უმოკლეს) ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11. ხელშეკრულების პირობების შეუსრულებლობა

11.1 ხელშეკრულების მე-3 მუხლის 3.1 პუნქტით გათვალისწინებული საქონლის მიწოდების ვადების გადაცილების შემთხვევაში მიმწოდებელს ეკისრება პირგასამტეხლო ყოველ გადაგადაცილებულ დღეზე მისაწოდებელი საქონლის ღირებულების 0.07%-ის ოდენობით.

11.2 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10% (ათ პროცენტს), შემსყიდველი იტოვებს უფლებას შეწყვიტოს ხელშეკრულება და მოითხოვოს მიმწოდებლისგან ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით და დასტურდება ორივე მხარის უფლებამოსილი წარმომადგენლების ხელმოწერით.

12.2 თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შესაბამისი ინფორმაციის თაობაზე შეატყობინოს მეორე მხარეს.

13. დავების გადაწყვეტა

13.1 ხელშეკრულების შესრულებასთან დაკავშირებით მხარეთა შორის წარმოშობილი ნებისმიერი დავა წყდება ურთიერთშეთანხმების გზით.

13.2 მხარეთა შორის (მოლაპარაკების დაწყებიდან 5 დღის ვადაში) შეუთანხმებლობის შემთხვევაში დავას წყვეტს სასამართლო საქართველოს კანონმდებლობით დადგენილი წესით.

13.3. წინამდებარე მუხლის 13.1. პუნქტით გათვალისწინებული მოლაპარაკების პროცესი იწყება ხელშეკრულების ერთი მხარის მიერ მეორე მხარისთვის გაგზავნილი წერილობითი შეტყობინებით.

14. ხელშეკრულების შეწყვეტა

14.1 შემსყიდველი უფლებამოსილია შეწყვიტოს ხელშეკრულება, თუ მეორე მხარე არ ან არაჯეროვნად ასრულებს თავის ვალდებულებებს, ან კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

14.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

წინამდებარე ხელშეკრულება ძალაში შედის 2015 წლის 11 დეკემბრიდან და მოქმედებს 2016 წლის 31 იანვრის ჩათვლით.

16. ფორს-მაჟორი

16.1 წინამდებარე ხელშეკრულების მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული გარემოებით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ, პირველივე შესაძლებლობისთანავე, მაგრამ არაუგვიანეს ასეთი გარემოების დადგომიდან 5 (ხუთი) დღის ვადაში, წერილობით აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია თანაბარი იურიდიული ძალის მქონე ორ ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ერთი - შემსყიდველს.

18. მხარეთა რეკვიზიტები:

შემსყიდველი

სსიპ ღვინის ეროვნული სააგენტო

თავმჯდომარის მოადგილე

პაატა ჭავჭავანიძე

ს/კ 204446965

მის.: ქ. თბილისი, მარშალ გელოვანის გამზ. №6.

საბანკო რეკვიზიტები: სახელმწიფო ხაზინა, კოდი

ბ.კ. TRESGE22; ა/ა 200122900

ტელ.: 297 41 03

მიმწოდებელი

სს „გუდვილი“

გენერალური დირექტორი

გიორგი ხაბაშვილი

ს/კ 206343991

იურიდ. მის.: თბილისი, ილია ჭავჭავაძის გამზ., №9

საბანკო რეკვიზიტები: სს „საქართველოს ბანკი“

ბ/კ BAGAGE22

ა/ა GE60BG0000000704007300

ტელ.: 240 00 02

პაატა ჭავჭავანიძე

გიორგი ხაბაშვილი

N	დასახელება	ერთ. ღირებულება (0,750 ლ. მოცულობის)	რ-ბა	ჯამი (ლარებში)
1	შატო მუხრანი - „შავკაპიტო“	29,75	4	119,00
2	შატო მუხრანი - „გორული მწვანე“	21,95	4	87,80
3	თელავის ღვინის მარანი - „მუკუზანი“	20,50	4	82,00
4	თელავის ღვინის მარანი - „ქინძმარაული“	15,95	4	63,80
5	თელავის ღვინის მარანი - „წინანდალი“	7,50	4	30,00
6	სატრაპეზო - ღვინო „10 ქვევრი“ რქაწითელი (თეთრი მშრალი)	46,95	4	187,80
7	თელიანი ველი - გლეხური „ქვევრის რქაწითელი“	17,90	4	71,60
8	თბილღვინო - ღვინო საფერავი „განსაკუთრებული მარაგი“	29,95	4	119,80
9	Jacobs - ღვინო კრიკ. მრლო	25,20	4	100,80
10	Scanavino - ღვინო ბაროლო	61,20	3	183,60
სულ:				1046,20

შემსყიდველი

მიმწოდებელი

სსიპ ღვინის ეროვნული სააგენტო

სს „გუდვილი“

თავმჯდომარის მოადგილე

გენერალური დირექტორი

პაატა ჭავჭავანიძე

გიორგი ხაბაშვილი

ს/კ 204446965

ს/კ 206343991

მის.: ქ. თბილისი, მარშალ გელოვანის გამზ. №6.

იურიდ. მის.: თბილისი, ილია ჭავჭავაძის გამზ., №9

საბანკო რეკვიზიტები: სახელმწიფო ხაზინა, კოდი

საბანკო რეკვიზიტები: სს „საქართველოს ბანკი“

ბ.კ. TRESGE22; ა/ა 200122900

ბ/კ BAGAGE22

ტელ.: 297 41 03

ა/ა GE60BG0000000704007300

ტელ.: 240 00 02

პაატა ჭავჭავანიძე



პაატა ჭავჭავანიძე



გიორგი ხაბაშვილი